

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- जम्मू कश्मीर लोक सेवा आयोग नै सांझे मुकाबलेबाजी आले मतेयान लेई उमर दी बद्धोबद्ध रद्द गी बधाई दित्ता ऐ। इस मतेयान गी फिलहाल अगड़ा पाई दित्ता गेआ ऐ।
- किश्तवाड़ दे उच्चे पहाड़ी जंगलें च होए दे टाकरे च फौज दा इक जेसीओ शहीद ते 3 जवान जख्मी। ग्राम रक्षा गार्ड दी हत्तेया च शामिल इलाके च छप्पे दे 4 विदेशी आतंकवादिएं दे सफाये लेई हैलीकाप्टरें ते ड्रानें गी अभियान च लाया गेआ ऐ।
- जस्टिस संजीव खन्ना होर अज्ज भारत दे प्रधान न्यायधीश दे औहदे दी सगंध चुक्कगंन।
- उपराज्यपाल मनोज सिन्हा होरें श्री कैलख ज्योतिष ते वैदिक संस्थान ट्रस्ट दे दुए गश्ती संस्कृत गुरुकुल गी ढंडी दस्सियै रवाना कीता। सिक्ख समुदाय दे इक डेलीगेशन राजभवन जाइयै उपराज्यपाल हुंदे नै मलाटी कीती।
- रामनगर दे एसडीएम होरें स्कूल परिसरें च मोबाइल फोन दे इस्तेमाल पर बंदश लाई दित्ती ऐ।

<><><><><><>

Age Limit

जम्मू-कश्मीर सरकारै प्रदेश च सांझे मुकाबलेबाजी आहले म्तेहान देने दे ख्वाहिशमंद सामान्य श्रेणी दे मेदवारें लेई उम्र दी बद्धोबद्ध हद गी बधाई दित्ता ऐ। सामान्य प्रशासनिक विभाग जीएडी दे कमीशनर सैक्रेअरी संजीव वर्मा हुंदे आस्सेआ जारी इक अधिसूचना मूजब सामान्य श्रेणी दे मेदवारें लेई उमर दी बद्धोबद्ध 35 ब'रे करी दित्ता ऐ जेह्डी पैहले 30 ब'रे तगर दी ही। इस्से चाल्ली आरक्षित श्रेणी दे मेदवारें लेई हून बद्धोबद्ध उमर दी हद 37 ब'रे ते दिव्यांग मेदवारें लेई 38 बरे करी दित्ती गई ऐ। तोआई जम्मू कश्मीर लोक सेवा आयोग नै औंदी 17 नवम्बर गी लैता जाना तैह होए दा सांझा मुकाबलेबाजी आला मतेयान फिलहाल अगड़ा पाई दित्ता ऐ। इस सरबंघै च जारी इक नोटिस मूजब, मतेयान लेई नमीं तरीक दा ऐलान बक्खरे तौर उपपर कीता जाग।

<><><><><><>

Kishtwar Soldier

किश्तवाड़जिले दे गिधरी टॉप इलाके च कल आतंकवादिएं कन्नै होए दे टाकरे च विशेष बलें दे इक जेसीओ शहीद ते 3 जवान जख्मी होईं गे। मन्नेआ जा'रदा ऐ जे इलाके च छप्पे दे इनें 4 आतंकवादिएं गै जिले दे कुन्तवारा इलाके च दऊं ग्राम रक्षा गार्डें दी हत्तेया कीती ही। जिले दे दूर-दरेड़े जंगलें च कगधरी टॉप इलाके च तपाशी अभियान लेईं तैनात फौजी टीम दी अगुवाई करै करदे नायब सूबेदार राकेश कुमार होर इस टाकरे च त्रै हार जवानें दे जख्मी कन्नै होए। उनें सब्बने गी ब्हाई रस्तेया फौजी अस्पताल पजाया गेआ जित्थें कल संजा राकेश कुमार होरें दम त्रोड़ी दित्ता। इस हमले दे बाद कल पूरे इलाके च सुरक्षाबलें अपने अभियान गी होर तेज करी दित्ता। तोआई उपराज्यपाल मनोज सिन्हा होरें शहीद राकेश कुमार हुंदे परोआर दे प्रति हमदर्दी जताई ऐ। उपराज्यपाल हुंदे सर्वोच्च बलिदान गी नमन करदे होई आखेआ ऐ जे राष्ट्र दे प्रति उंदिएं निस्वार्थ सेवाएं गी म्हेशां चेता रखेआ जाग। अधिकारिएं मूजब गिधरी टॉप दे जंगलें च छप्पे दे खैनें आतंकवादी पाकिस्तान दे न ते ओह बड़े भारी थेआरें कन्नै लैस गी हैन, जिंदे च एम-4 कारबाईन, असाल्ट रफलां ते गोला बरूद बी शामिल ऐ। इनें आतंकवादिएं च दऊं ग्राम रक्षा गार्डें दी हत्तेया कीती ह ीते ओहूदे मगरा नस्सियै गिधरी टॉप दे जंगलें च जाई छप्पे। इंदे सफाए लेईं हैलीकाप्टरें ते ड्रोनें गी बी तैनात कीता गेदा ऐ।

<><><><><><>

SSP Jammu

जम्मू दे एसएसपी जोगिंदर सिंह होरें जिले च अपराधें ते सुरक्षा स्थिति दा जायजा लैता। बैठका च सब्बै जोनल एसपी, एसएसपीओ, डीएसपी ते एचएचओएं दे इलावा पुलस चौकिएं ते सरहदी चौकिएं दे प्रभारी अफसर बी मजूद हे। जारी इक ब्यानै मुजब बैठका च पुलसै दे कम्में दे बक्ख-बक्ख पैहलुएं पर विशेष ध्यान दित्ता गेआ जियां कि जांच, अपराधें दा नबेड़ा, तस्दीक वेरीफिकेशन ते एनडीपीएस ते यूएपीए सरबंधी मामले दा नबेड़ा शामिल ऐ। एहूदे इलावा नस्सी गेदे ते लापता लोकें दे मामले पर बी चेचे तौरा पर चर्चा कीती गई। एसएसपी होरें सब्बनें अपराधिक मामले दा तौले मयारी नबेड़ा करने दी जरूरतै पर जोर दित्ता ते समाजी अपराधें आले मामले गी मती तरजीह देने पर बी जोर दित्ता। उनें पुलस ते आम जनता बश्कार नेड़में ते बसाह भरोसे आले सरबंध विकसित करने पर जोर दित्ता ते कन्नै समाज ते राष्ट्र विरोधी तत्वे खलाफ मती सख्मी नै पेश औने पर जोर दित्ता।

<><><><><><>

Justice Sanjiv

जस्टिस संजीव खन्ना होर अज्ज भारत दे 51में मुख्य न्यायधीश दे तौर पर सगंध लेंगन। अज्ज बडलै राष्ट्रपति भवन च इक खास समारोह च राष्ट्रपति द्रौपदी मुर्मू होर उनेंगी औहूदे ते राजदारी दी सगंध दोआंगन।

जस्टिस संजीव खन्ना होर गी ब४रे 2005 च दिल्ली हाई कोर्ट दे अतिरिक्त जज दे तौर पर नियुक्त कीता गेआ हा ते 2006 च उनेंगी स्थाई कीता गेआ हा। उनेंगी जनवरी 2019 च सुप्रीम कोर्ट दा जज बनाया गेआ हा। जस्टिस खन्ना होर जस्टिस डी.वाई.चन्द्रचूड हुंदी थाहर भारत दे प्रधान न्यायधीश दा औहदा सांभा करदे न। जस्टिस चन्द्रचूड हुंदा भारत दे प्रधान न्यायधीश दे तौर पर कार्यकाल कल खत्म होई गेआ।

<><><><><><>

Dengu

जम्मू कश्मीर दे डेंगू दे मामले च कोई कमी होंदी नेई लब्भा'रदी ऐ। 78 नमें मामले दे दर्ज होने दे कन्नै गै केन्द्र शासत प्रदेश च इस ब'रे अजें तोड़ी सामने आए दे मामलें दी गिनतरी 5 ज्हार 747 तोड़ी पुजजी गई ऐ। कल जम्मू जिले च डेंगू दे 30 नमें मामले दर्ज कीते गे जिनेंगी रलाइयै जिले च इंदी गिनतरी 3 ज्हार 503 होई गई ऐ। सेहत अधिकारिएं मूजब 90 प्रतिशत कोला मते मामले मुंसीपल मतलब शैहरी इलाके थमां दर्ज कीते गे न। जम्मू जिले दे बाद सब्बने शा मते 595 मामले सांबा जिले च दर्ज कीते गे न। एहदे इलावा कडुआ च 347, उधमपुर च 298, रियासी च 262, राजौरी च 181, डोडा च 156, पुंछ च 63, रामबन च 65 ते किश्तवाड़ च 20 मामले दर्ज कीते गे न। 2024 च अजें तोड़ी 30 ज्हार 419 मरीजें दी डेंगू जांच कीती गई ऐ जिंदे चा 5 ज्हार 747 मरीजें च एहदी तसदीक होई ऐ। इन्ने मते मामले दे बावजूद बी संदोखै आली गल्ल ऐ जे इस बमारी कारण जानी नुक्सान छड़ा इक गै दर्ज कीता गेआ ऐ। डेंगू दे लक्ष्णें दे चलदे 489 मरीजें गी अस्पताले च दाखल कराया गेआ जिंदे चा 400 गी ठीक होने पर छुट्टी बी देई दित्ती गई ऐ।

<><><><><><>

LG Sanskrit Gurukul

उपराज्यपाल मनोज सिन्हा होरें अज्ज राजभवन च श्री कैलख ज्योतिश ते वैदिक संस्थान ट्रस्ट दे दुए गश्ती संस्कृत गुरुकुल गी झंडी दस्सियै रवाना कीता। इस मौके पर उपराज्यपाल होरें श्री कैलख ज्योतिश ते वैदिक संस्थान ट्रस्ट ते एहदे कन्नै जुड़े दे सब्बनें लोकें गी बधाई दित्ती। श्री सिन्हा होरें संस्कृत भाशा ते संस्कृत शास्त्रें दे ज्ञान गी फलाने ताई ट्रस्ट दियें कोश्टें दी सराहना कीती। गश्ती संस्कृत गुरुकुल जम्मू-कश्मीर च देववाणी संस्कृत दे प्रचार-प्रसार ताई हर घर च संस्कृत गेहे गेहे संस्कृतम अभियान दा इक हिस्सा ऐं। तोआई सिख कोआर्डिनेशन च इक प्रतिनिधिमंडल नै अज्ज राजभवन च उपराज्यपाल मनोज सिन्हा हुंदे कन्नै मलाटी लाई।

प्रतिनिधिमंडलै केंद्र शासित प्रदेश च रौह्ते आह्ले सिख समुदाय दे मुद्दे पर लौ पांदे होई अपनिये मंगे दा इक उपराज्यपाल होरे गी सौपेआ। उनें योग्य सिख आबादी गी पहाड़ी जाति समूह च शामिल करने, पंजाबी भाशा गी बढ़ावा देने ते श्रीनगर च महाराजा रणजीत सिंह हुंदी प्रतिमा स्थापित करने सने होर मंगां श्री सिन्हा हुंदे अगगे रखियां। उंदे इलावा होर बी केई डेलीगेशनें राजभवन जाइयै कल उपराज्यपाल हुंदे नै मलाटी कीती।

<><><><><><>

Mobile Ban

श्रामनगर सब डिवीजन दे एसडीएम रजिंदर सिंह राणा होरे इलाके दे स्कूल परिसरें च मोबाइल फोन दे इस्तेमाल पर पाबंदी लाने दा इक सर्कुलर तारी कीता ऐ। एह कारवाई उंदे बक्ख-बक्ख स्कूलें दे चानचक्क दौरे दे बाद कीती गेई उे जिस दरान केई बच्चे गी स्कूलें ते क्लासें च बी मोबाइल फोन इस्तेमाल करदे दिखेआ गेआ हा। एह्दे शा पैह्ले सब डिवीजन दे मकामी लोकें शकैत दर्ज कराइ ही जे स्कूलें च टीचर ते विद्याथ्रिएं आस्सेआ बिजन कुसै रोक-टोक दे मोबाइल फोन दे इस्तेमाल करने कारण अनुशासनहीनता पैदा होआ करदी ऐ ते पढ़ाई दी प्रक्रिया च बी बिघन पवा करदा ऐ। सर्क्यूलर च आखेआ गेआ ऐ जे कुसै इमरजेसी दी स्थिति च स्कूल प्रिंसिपल जां हैड दा फोन इस्तेमाल कीता जाई सकदा ऐ। सब्बने जैडईओए, प्रिंसिपलें, हैडमास्टरें ते होरने प्रभारिएं गी बी आखेआ गेआ ऐ जे इस सर्क्यूलर दी सब्बने प्राइवेट ते सरकारी स्कूलें च बी अमलावरी जकीन बनाई जा।

<><><><><><>

BMO Suspended

सेहत सेवाएं दे खेत्तरें च जवाबदेही गी जकीपी बनाने लेई राजौरी दे जिला विकास कमीशनर अभिषेक शर्मा होरे दरहाल आले सब डिवीजन असपताले दा चानचक्क दौरा लाया जिस दरान उत्थें डे डाक्टर ते टेकलीशियन गी दोड़ियै सारा स्टाफ गैर हाजर पाया गेआ। जेह्दे पर कारवाई करदे होई डीसी होरे ब्लॉक मैडिकल अफसर गी मुअत्तल करने दा हुक्म जारी करदे होई उसी सीएमओ राजौरी दे दफ्तरै च अटैच करी दित्ता ऐ। अतिरिक्त जिला विकास कमीशनर डॉ. राजकुमार थाप्पा गी इस मामले च जांच अफसर नियुक्त करियै त्रऊं दिनें दे अंदर अंदर मामले दी रिपोर्ट जमा कराने लेई आखेआ गेआ ऐ। जिला विकास कमीशनर इनें दिनें बक्ख-बक्ख मैहकमे ते इदारें दा दौरा करियै इंदे कम्मै काजै दी समीक्षा करै करदे न, टकोह्दा करियै ओंदे सयाल दरान जरूरी सेवाएं सुविधाएं गी जकीनी बनाने लेई।

<><><><><><>

Kishtwar Model Panchayat

किश्तवाड़ दे जिला विकास कमीशनर राजेश कुमार शवन होरें मुगल मैदान बलाक हेठ पौंदी आदर्श पंचैत सिगड़ी बी-वन दा दौरा लाया ते माछल पंचैत विकास परियोजना दे तैह्त् हत्थै च लैते गेदे विकास कम्में दी स्थिति, प्रगति ते उपलब्धिएं दी समीखा कीतीं पंचैत सिगड़ी बी7वन किश्तवाड़ जिले च आदर्श पंचैत दे रूपै च विकसित करने लेई चुनी गेदी 13एं पंचेतें चा इक ऐ जित्थें 78 प्रमुख विकास संकेतके दे 100 प्रतिशत लागू होने ते लक्ष्य गी हासल करने लेई कम्म जारी न। दोरे दरान मकामी लोकें कन्नै गल्लबात दा गेड़ बी लाया। इस दरान डीसी होरें प्रधानमंत्री ग्रामीण आवास योजना, स्वच्छ भारत मिशन, प्रधानमंत्री रोजगार सृजन कार्यक्रम, सेह्त् क्षेत्र च पैहलकदमिं ते समाज कल्याण सरबंधी बक्ख-बक्ख स्कीमें ते कार्यक्रमें दी अमलावरी ते उपलब्धिएं दा जायजा लैता। सिगड़ी बी वन गी पूरी चाल्ली सौर ऊर्जा पर निर्भर पंचैत बनाने लेई बी कम्में गी तरजीह दित्ती जा'रदी ऐ।

<><><><><><>